



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Hierosolymitano Patriarchae & suffraganeis ejus.

urn:nbn:de:hbz:466:1-20006

6 Epistolarum Innocentij III.

Vngariae convertisti aciem bellatorum, & multa contra serenitatem regiam malignorum usus consilio commisisti. Nos autem, quos diebus istis ad pontificatus officium, licet immeritos, Dominus evocavit, tam paci regni Vngariae quam tuæ volentes saluti consulere, nobilitatem tuam rogamus, monemus, & exhortamur in Domino, ac per apostolica tibi scripta præcipiendo mandamus, quatenus postpositis ceteris sollicitudinibus, usque ad festum exaltationis sanctæ crucis proximè venturum, debitum acceptæ crucis exolvens, propositum iter arripias, & humiliter prosequaris; ne si onusti à patre injunctum, & à te sponte suscepimus, occasione qualibet detrectaris, paterna te reddas successione indignum, & hereditatis emolumen- to priveris, cuius recusaveris onera sup- portare. Sciturus ex tunc anathematis te vinculo subjacere, & jure quod tibi, si dictus Rex sine prole decederet, in regno Vngariae competebat ordine ge- nituræ, privandum, & regnum ipsum ad minorem fratrem tuum appellatio- ne postposita devoluendum. Datum Laterani iv. Kal. Februarij.

*HIEROSOLYMITANO PATRIARCHÆ
& suffraganeis ejus.*

Epist. II.
De promotione
Domini nostri
Pape, &
negocio ter-
tia.

Rex Regum, & Dominus dominan- tium, qui prodigia facit in cœlo iuriis, & in terra deorsum, omnipotentiæ sua jugiter operatur indicia, Ecclesiam suam per varias substitutiones Pontificum mirabiliter innovans, & no- va semper prole fecundans; & sic se- nium ejus sua virtute consumens, ut his qui fideliter in ipsius regime militave- rint, ad aeternæ felicitatis bravium evo- catis, filios suscitet in parentes, & in no- vam infantiam rubiginem transferat ve- tustatis. Inter cerera siquidem incom- prehensibilia divinae dispositionis judi- cia & investigabiles vias ejus, magna miserationis esse credimus argumentum, quod sic à tædio sollicitudinum & curarum momentaneæ mortis compendio prædecessores pro meritis repensu- rus absolvit, ut egenum de pulvere sus- citatum & pauperem erectum de sterco- re sedere faciat cum principibus, & so- lium Petri, quo nihil est inter homines gloriósius, obtinere; ut post vespertino- nos fletus lætitia matutina succedat, &

Ecclesia super parentis obitu substitu- tione filij consoletur; sicut diebus istis de nobis à Domino factum est, & est mi- rabile in oculis nostris. Sanè felicis me- moriae Celestino patre ac prædecessore nostro V I. Idus Ianuarij viam universæ carnis ingresso, & in Lateran basilica ho- norificè tumulato, tanta fuit inter fra- tres nostros super Pontificis substitutio- ne concordia, ut eo cœlitus ipsorum de- siderii aspirante qui facit utraque unum & concurrentes parietes in se angulari lapide copulavit, omnes uni- versaliter unum saperent, & idem singu- lariter postularent, nos in Summum Pon- tificem ipso die depositionis ejusdem prædecessoris nostri unanimiter assu- mentes. Nos autem in eo ponentes spem nostram qui beatum Petrum in gubernatione fuarum ovium confirmavit, & apostolis reprobatis, dicens, *Ecce ego vo- biscum sum omnibus diebus usque ad con- summationem seculi, ecclesiastice solici- dinis onus, licet insufficiens, affump- sum, non de nostris meritis, sed divina potius miseratione sperantes, quæ vocat ea quæ non sunt tanquam ea quæ sunt, & perficit laudem ex ore infantium & lactentium.* Attendentes igitur quam alto divinitatis consilio Deus Rex noster ante secula salutem in medio terræ di- gnatus est operari, solvens in ea septem libri signacula, quem nemo potuit aperi- re, nisi Leo de tribu Iuda, vos, qui ter- ram ipsam suscepistis ab eo spiritualiter gubernandam, specialiter per literarum nostrarum primitias duximus visitan- dos; monentes attentiū & exhortantes in Domino, ut flagellum, quo vos & in vobis totam Ecclesiam Dominus visita- vit, patienter & humiliter supportan- tes, id nostris & vestris meritis impun- tis, qui peccatorum nostrorum clamoribus indignationem ejus nunquam desis- sumus provocare. Certos enim nos pro- phetica reddit auctoritas, quod si am- bulasssemus in lege Domini, & veram spei nostræ fiduciam posuisssemus in eo qui respicit terram, & facit eam tremere, tangit montes & fumigant, unus nostrum mille & duodena millia hostium effugasset. Ut igitur dolor noster & ve- ster in lætitiam & tristitia in gaudium convertatur, immolemus Domino su- per aram cordis intentionem, & super altare corporis opera nostra; quæ sua sunt, non quæ nostra, quærentes. Nisi

Romani Pontificis Lib. I.

7

enim piis orationibus, & nostris & vestris actibus indignatio fuerit divina placa-
ta, nec residuum terræ nativitatis
eius tueri poterimus, nec insultus ho-
stium sustinere; quin immo residuum lo-
custæ brucus assumet, & sicut novissima
deteriora prioribus. In jejunio igitur, &
fletu, & planctu, in operibus pietatis, in
caritate non facta, in corde contrito, &
humiliato spiritu, revertamur ad Domi-
num Deum nostrum; qui pius est, & mi-
sericors, & præstabilis super malitia;
commissos nobis populos verbo pariter
& exemplo ad penitentiam invitantes;
ut nostris operibus & intentione plac-
atus, non det hereditatem suam in op-
probrium & in dominium nationum; ne
fortè consentiant adversarij nostri, &
dicant: *Manus nostra excelsa, & non Deus,*
fecit hec omnia. Nos enim propositum
gerimus & habemus in votis, quantum
ille permiserit a quo speramus dirigi
gressus nostros, ad subventionem ve-
stram efficacius laborare, & liberationi
Hierosolymitanæ provinciæ, si datum
fuerit desuper, sollicitius imminere.
Datum Laterani.

Epist. 11.

IN eundem ferè modum MAGNTIN.
ARCHIEPISCOPO, & Episcopis de re-
gno Alemannia in ultramarinis partibus
constitutis, usque in finem. Rogamus in-
super, & fraternitatem vestram mone-
mus, & exhortamur in Domino, ac per
apostolica scripta mandamus, & in re-
missionem vobis injungimus peccato-
rum, quatenus scutum fidei & salutis ga-
leam assumentes, prælium Domini stu-
deatis viriliter & efficaciter præliari, de
cœlo auxilium & nostrum etiam subsi-
dium expectantes. Credimus etenim, &
pro certo tenemus, quod si corda vestra
penitentia fuerint medicina purgata,
& non in multitudine ac fortitudine ve-
stra spem posueritis, sed in Deo, Philis-
tæos Israëlita fugabunt, & in loricatum
Goliam David inermis in funda & la-
pide prævalebit. Datum Laterani.

DVCI LAVANNIAE, LANTGRAVIO
Duringie, & aliis de regno Alemannie in
ultramarinis partibus constitutis.

Epist. 12.
Ve fine ferven-
tes in servitu
Ihsu Christi.

QVanta sit circa genus humanum
benignitas conditoris, primæ
creationis opera, & recreationis mira-
cula, quæ in fine seculorum dextera Do-

mini voluit operari, immo etiam univer-
sa quæ in cœlo sunt & in terra, testan-
tur; cum hominem ad imaginem suam
creatum, divinitatis suæ voluerit esse
particem, omnia subjiciens sub pedi-
bus ejus, oves, & boves universas, insu-
per & pecora campi; & tandem, ut rui-
nam nostram repararet, post lapsum pro-
prio filio suo non pepercit, sed pro no-
bis omnibus tradiderit illum in crucis al-
tario immolandum, & cum inquis eum
permiserit reputari. Vnigenitus siquidem
Dei filius, ut hominem perditum
ad regna ecclœ revocaret, à dextra
patris in inferiores partes terra descen-
dens, exinanivit semetipsum, formam
servi accipiens, & se usque ad mortem
humilians, pro nobis crucis non dubita-
vit subire tormentum. Quid igitur re-
tribuemus Domino pro omnibus quæ
retribuit nobis? Sanè nec tribulatio, nec
angustia, nec famæ, nec nuditas, aut gla-
dius, ab ipsis nos debebit aut poterit
caritate divellere, si exuberantiam be-
neficiorum ejus circa nos misericorditer
habitam internæ considerationis
oculis attendamus. Quin immo secun-
dum Prophetam calicem salutaris servus
accipiet, & nomen Domini invocabit.
Hoc vos diligenter attendentes, ut illud
evangelicum impleretis, *Qui vult venire*
post me, abneger semetipsum, & tollat crucem
suum, & sequatur me, assumpto crucis si-
gnaculo ad vindicandam injuriam Iesu
Christi Hierosolymam petivistiis ad na-
tiones illas inhumanas & barbaras in di-
gito Dei fortius edomandas, quæ illo-
rum etiam sævitiam (quod peccatis no-
stris ascribimus) sunt in nos sæviendo
transgressæ quibus Propheta imprecan-
do declamat: *Deus venerunt gentes in he-*
reditatem tuam &c. usque sepeliret. Ro-
gamus igitur discretionem vestram, mo-
nemus attentiū, & hortamur in Domi-
no, & in remissionem vobis injungimus
peccatorum, quatenus assumpti laboris
gravitatem studeatis taliter adimplere,
prælium Domini prælantes, ut vestris
exigentibus meritis, de cœlo vobis au-
xilium ministretur. Cum enim abnegati-
desideriis carnis, Domino propofue-
ritis in puritate cordis & corporis mili-
tare, caven dum vobis existit, ne contra
votum a vobis in terra vestræ nativita-
tis emissum, in terra peregrinationis
vestræ, ubi steterunt pedes Domini, per
immisionem malorum angelorum con-